



Qimussertarnek qimussillu piujuartinnissaat qulakkeerniarlugu, Naalackersuisut ukiuunerani tuttuttassanit qimussimik tuttunniartartunut immikkut immikkoortitseqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Doris J. Jensen, Siumut)

Siullermeenera

Ukiuunerani tuttunniarnermut pisassiissutit atuuttut ilaasa tuttunniarnerup qimussimik ingerlanneqartarnissaanut inniminnerneqarnissaat qimussernerup kulturua attatiinnarniarlugu Naalackersuisut peqqunneqarnissaannik Inatsisartut aalajangiiffigisassaattut siunnersuummut siunnersuuteqartoq Doris J. Jensen, Siumut Naleqqamiit qutsavigerusupparput.

Qimuttumik qimmeqarnek taamatullu qimussernerup kulturua nunatta oqaluttuarisaanerani pingaaruteqaannangilaq, kinaassusitta oqaluttuassartatta pingaarnarpaat ilagilluinnarpaat eriagisariaqarlunnartoq.

Nunatsinni qimussertarnerup qimuttunillu qimmeqarnerup pitsaasumik inissisimanissaa eriagisariaqarlunnartutullu aporfilersornagu periarfissarsiortuarnissaa aatsaat taama pingaaruteqartigilerpoq.

Atortorissaarutit nutaaliaasut takkussuuttut killilersungikkaluarlugit qimuttunik qimmeqarnerup qimussertartullu periarfissaasa inerisartuarnissaanut pitsaasumillu sinaakkutseqarlutik inissisimanissaat pillugu qimmit sukkaniutaannaanatik inissisimasut pitsaasumik atugaqarnissaat pillugu Kalaallit Nunatsinni Qimussertartut Kattuffiat nukittuumik inissisimalernissaanut peqataanerusariaqalernerput avaqunneqarsinnaangilaq.

Kalaallit Nunatsinni Qimussertartut Kattuffiat nukittunerusumik kattuffittut inissisimalerusunninni ujartorjaa, immikkut allaffeqalernissartik ujartorpaat, taamatullu pitsaasumik nukittuumillu kiffartuussiveqarnissartik ujartorlugu, tamanna isumaqarpunga qinikkatut tusaanerusariaqaripput.

Naalackersuisooqatigiinnitsinni qimussertarnerup nukittorsaavigisariaqarnera anguniakkatsinnut tulluuttuunera ilutigalugu KNQK oqariartigisaarutaa manna iluatillugu taamatut aamma Naalackersuisunut Naleqqamiit anngussa qarfigilaaqipparput oqaasiinnaannanilu



anguniagassaammat qimussertarnerup nikittorsaaffigalugu peqataaffiginissaa Naleqqamiit pingaartikkatsigu.

Qimussertarneq qimussillu piujuartinnissaat qulakkeerniarlugu, Naalakkersuisut ukiuunerani tutttassanit qimussimik tuttunniartartunut immikkut immikkoortitseqqullugit peqquneqarnissaannik Inatsisartut aalajangiiffigisassaattut siunnersuut Naalakkersuisooqatigiinni akuerineqarluni katersuuffiusoq Naleqqamiit naammagisimaarparput nuannaarutigalugu, tamannalu kisimi naammangimmat siunnersuummut iluatsillugu saqqummiussagut neriutigaarput sulianut ingerlasunut ilanngullugit pimoorullugit Naalakkersuisut anguniaqarnertik ingerlatseqqissagaat KNQK ilaatigut oqaloqatigisarneratigut suleqatigineratigullu.

Taamatut Naleqqamiit oqaaseqarluta siunnersuut tapersorsorlutigu ataatsimiititaliami suassaqartumi aappassaaniinginnerani suliarineqarnissaa innersuussutigaarput.